

MAZINAAKZIGAN OWI BAZINDAAJIGEWIN AWIL
MINWAAMAJIGAADeg OWI GIIZHIKIGAADeg DIBAMAADIWIN

(Genobiigaadeg moshkinebiigan)

ANISHINAABE GABE-GIIZHIG GIKINOO AMAADIWIIGWAAM
DIBAAKONIDIWIN

Giishpin agii zhaayin Anishinaabe Gabe-giizhig Gikinoo Amaadiwiigwaam, maanda mazinaakzigan ganimaa adaa m'dookdaan gdo onashowe dibiniweziwin. Wiingezin gindaman owi.

Kitchi Kiing Debaaknige Gamig agii bagidinaan maanda Mazinaakzigan. Gaawii maanda aawizino dibaaknige-nini gagwedwewin.

- Zhiwe maamwi-yaang dakonigewin, *McLean v Ganada* (Dibaaknige-gamig Moshkinebiigan Gindaasiwin T-2169-16), ekinomaagaazijig agaa zhaawaad Anishinaabe Gabe-giizhig Gikinoo Amaadiwiigwaagamigon gagwedwena-aa banaajitaasowin zhiwe Ganada newen wiisigikaagewin agaa nigaagowaad gewe anji agii zhaa-aad zhiwe.
- Maanda Onashowe zhichigewin agii zongichigaade Ode-imini-giizis 21, 2018, aawan maamowi yaang bamibidewin odi Kichi Kiing Dibaaknige Gamig.
- Owi Debwewin Mazinigan nagmigaazwog Roger Augustine miinwaa Claudette Commanda aawiwaad e-giigidotamwaajig e-dakonigejig gewe agaa Zhaabwijig Maamowi Yaang miinwaa Marielle Buckshot awii aawid e-giigidotamwaad Inodewiziwin Maamowi Yaang.
- Owi Gimaa Gamig maampii Ganada (“**Ganada**”) agii mina waamdaanaa-aa zaagoji-dibaaknige gamigon Giizhiikigaadeg Dibamaadiwin gewe Maamowi-yaang Waajii-ejig owi e'nowendaagwag owi agii maajitaatoong miinwaa agii dibagaadeg Gitchi Gimaa Anishinaabe-Gikinoo Amaadiwiigwaaman (“**Anishinaabe-Gikinoo Amaadiwiigwaaman**”) miiwaan owi agaa ani dibendamowaad miinwaa agaa minzhamowaad newen gikinoo-amaadiwiigwaaman.
- Owi e-dagosing zhiwe Giizhiikigaadeg Dibamaadiwin, Ganada ada miigwen dibamaadiwin gewe E'miisejig Maamowi-yaang Waajii-ejig.
- Owi Giizhiikigaadeg Dibamaadiwin inaknigewin aabdeg ada minwaamjigaade owa Kichi Kiing Dibaaknige Gamig jibwaa owi Dibagewin awii giizhiitaasing awii debnamwaad Maamowi Yaang Waajii-ejig. Owi Naaknigewin odi Dibaaknige Gamgong, ada dikobnigaazwog kina Maamowi Yaang Waajii-ejig gaawii e'zaagjibiiwidisijig owi onashowe nankiwin (*Kichi Kiing Dibaaknige Gamig Naaknigewin*, Naaknigewin 334-32(5)(f)).
- Owi apii giizhigag miinwaa waanji temgag owi enaaknigaadeg Giizhiikigaadeg Dibamaadiwin Giigidowin aawan Zagibagaa-giizis 13, 14 miinwaa 15, 2019 odi Kichi Kiing Dibaaknige Gamig, 363 Broadway, Winnipeg, MB R3C 3N9.
- Maamowi-yaang Giigidonini ada gagwejimaan Dibaaknige Gamig awii minwaamdang engindeg miinwaa dibagewinan ado nankiwinwaa awii debnigaadeg Giizhiikigaadeg Dibamaadiwin.

Gdo onashowe dibiniweziwinan miinwaa Wenaamjiganan Maampii Maanda Genwaamjigaadeg

Giizhiikigaadeg Dibamaadiwin:

- 1. Gaawii gego Zhichige-ake:**

Giishpin minwaamdaman owi Giizhiikigaadeg Dibamaadiwin Naasaab'endamowin, gaawii memkach gego gdaa zhichigesii nongo megwaa. Makwendan awii bagidnaman gidibiniweziwin awii aanwaamdaman owi Giizhiikigaadeg Dibamaadiwin zhinda wenaamjigewining
- 2. Niindaawen Wiindamaagewin Aasgaabwitaagewin**

Giishpin aasgaabwitaman owi enaaknigaadeg Giizhiikigaadeg Dibamaadiwin, gda wenaamdaan awii miigwewin Wiindamaagewin Aasgaabwitaman niindaawewin Wiindamaagewin Aasgaabwitaagewin odi Maamowi Yaang Giigidonini odi endanakiid niisa-iing ezhibiigaadeg jibwaa Zaagibag-giizis 3, 2019. Maamowi Yaang Giigidonini adaa bindagadon gdo Wiindamaagewin Aasgaabwitaman jibwaa owi Giizhiikigaadeg Dibamaadiwin Giigidowin. Gegwa niindaaweke gdo Wiindamaagewin Aasgaabwitaman gagwek odi Dibaaknige Gamig.
- 3. Aanwaamdaman Owi Genwaamjigaadeg Giizhiikigaadeg dibamaadiwin:**

Agiishpin maanaazaamdaman owi genwaamjigaadeg Giizhiikigaadeg Dibamaadiwin, gdaa wiindamowaa Dibaaknige gamig aanwendaman owi. Maajiidamo maajiibiigan owaa Maamwi Yaang Giigido-nini jibwaa Zaagibagaa-giizis 3, 2019. Zhiwe gdo maajiibiiganing gdaa dagobii-aan gadinoziwin, waazhi debnigowin, miinwaa dako-biigan enji aanwaamdaman Giizhiikigaadeg dibamaadiwin. Gegwa gagwek niidaa-eke god maajiibiigan Dibaaknige Gamgong.
- 4. Babaazhaan enji Bazindaajigeng:**

Izhaan odi Kitchi Kiing Dibaaknige Gamig 363 Broadway, Winnipeg, MB R3C 3N9, Zaagibagaa-giizis 6, 2019. Giishpin agii miigwewin wegodogwen Wiindamaagewin Minwaamdaman maage Aanwenjige Moshkinebiigan odi Maamwi Yaang Gigido-nini, gdaa gagwedwe awii miigwewin giigidowin enji Dibaakniding. Gdo Wiindamaagewin Minwaamdaman maage Aanwenjige Moshkinebiigan gdaa wiindamaage enendaman awii zhitowin giigidowin enji bazindaajigeng.

Ninda enitemgak mazinigan miigwemgad woshme gikendamowin owi Maamwi-yaang Dikonigeng miinwaa owi Giizhiikigaadeg Dibamaadiwin Mina-waamjigaadeg Bazindaagewin.

WEGNESH E-DAGOSIN MAAMPII MAZINAAKZIGANING:

BANGII GIKENDAMOWIN MAANDA GIIZHIIKIGAADE DIBAMAADIWIN

1. Aaniish gaanji debnamaa maanda mazinaakzigan?
2. Wegnesh owi Anishinaabe Gabe-giizhig Gikinoo
Amaadiiwigwaamgamig?
3. Wegnesh owi Maamwi-yaang Dakonigewin?
4. Wegnesh owi Anishinaabe Gabe-giizhig Gikinoo
Amaadiiwigwaamgamig Dakonigewin?
5. Aaniish enji temgak Giizhiikigaadeg Dibamaadiwin?

WEGNESH E'DAGOYAAD Zhiwe GIIZHENDMOWINING?

6. Wegnesh e-dagoyaad zhiwe Giizhiikigaadeg Dibamaadiwining?
7. Aaniish giishpin gagwekwendzii-aan endagwen aji dagobiigowaan zhiwe Giizhiikigaadeg
Dibamaadiwining?

GIIZHIIKIGAADEG DIBAMAADIWIN BAMITAAGEWINAN

8. Wegnesh owi Giizhiikigaadeg dibamaadiwin maagwemgag?
9. Aaniish agezhi debmaagaazwaad giigido-ninwog?
10. Aaniish apii age debnamaa ndo dibamaadiwin?
11. Wegnesh owaa bagidendamaa zhinda Giishendamowining?
12. Ndaa zaagijibiwidis ana zhiwe Giizhiikigaade Dibamaadiwining?

DEBNIGAADEG DIBAMAADIWIN?

13. Aaniish gezhi debnamaa dibamaadiwin?
14. Aaniish giishpin aanwaamjigaadeg ndo gagwedwewin?

15. Aaniish giishpin aanwendamaa owi dibamaadiwin agaa miinding?

GIIGIDO-NINIWOG E'NAABSHKAAGYAAN

16. Wegnesh e'yaawijig gigido-ninwog gewe e'dakonigejig?

MINWAAMJIGAADEG BAZINDAAJIGEWIN

17. A'gego ana temgad nikii-aa agezhi waamdowen-aan aasgaabwitamaa owi Giizhaaknige Dibamaadiwin?

18. Aaniish a'gezhi aanwendamaa owi enaaknigaadeg Giizhiikigaade Dibamaadiwin?

19. Aaniish apii miinwaa aapiish dibaaknige gamig age giizhendang endagwen aji miinwaab'mdang owi enaaknigaadeg Giizhiikigaade Dibamaadiwin?

20. Aabdeg ana ndo dowendaagos awii zhaa-aan enji bazindaajigeng?

21. Ndaa giigid ana enji bazindaajigeng?

22. Aaniish giishpin gego zhichigeswaan?

WOSHME GIKENDAMOWIN

23. Aaniish agezhi debnamaa woshme gikendamowin?

BANGII GIKENDAMOWIN MAANDA GIIZHIKIGAAGE DIBAMAADIWIN:

1. Agii debnaan maanda mazinaakzigan bezhig ninda nisiwi anji:

Ntam, agii niindaawen owi *Anishinaabe Gabe-giizhik Gikinoo Amaadiwiigwaam Maamowi-yaang dakonigewin Boozibiige Moshkinebiigan* odi Gowling WLG. Gdo Boozibiige Moshkinebiigan agii miigwemgad Maamowi-wijii Giigidon-nini owi shki biigewin zgaakbiigan waazhi debnigowin awii wiindamaagowin oshkichigewin owi maamowi yaang dakonigewin miinwaa gnimaa Giizhiikigaade Dibamaadiwin.

Ekwa Niizhing, gwaya gekenimig agii abi niindaawig maanda gikendamowin zaam debwe-endamoog maanda Giizhiikigaade Dibamaadiwin adaa madookdaan gdo dibiniweziwin. Aga bagosenimin weweni kina aji gindaman masinaakozigan zaam gdo dibiniweziwin ada madookdaajigaade giishpin gegwa gego bwaa zhichigewin.

Ekwa Nisiwing, agii mikan maanda mazinaakzigan enji mawaanjidiwaad bemaadzijig. Ezhi gshkitoong awii wiindamaagaazwaad kina ezhi gshkitoong gewe Maamwi Yaang Waajii-ejig, ninda mazinaakziganan kina agii niindaadin Anishinaabe Inakaanezi miinwaa Mina Wijiindiwin Wiigwam maampii Gaanada, miinwaa age bikaan aanin okowewog miinwaa waajii-endijig. Weweni kina gindan masinaakozigan zaam gdo dibiniweziwin ada madookdaajigaade giishpin gegwa gego bwaa zhichigewin

2. Wegnesh owi Anishinaabe Gabe-giizhik Gikinoo Amaadiiwiigwaam?

Anishinaabe Gabe-giizhik Gikino Amaadiiwiigwaaman dagosanon kina newen gikinoo'amaadii gamigon agaa maajiiishkaachigaadeg maage agaa waawinijigaadeg owa Kitchi Gimaagamig Anishinaaben Nyaagdownemaad zhiwe Anishinaabe ekinomaagaazijig mizowe kamig maampii Gaanada naaknigewin agii nendaagoziwog awii zhaawaad (zhiwe *Anishinaabe Onaaknigewin*), miinwaa agii dabagaadenon aanin maage kina owa Gaanada. Gaawii dibishko Maamwidaang enji Kinoomaadin, e'kinomaagaazijig gaawii agii dinisiiwog zhiwe Anishinaabe Gabe-giizhik Gikino Amaadiiwiigwaaman. Ganimaa goweta bangii ezhiwebak (aandakiiwang ezhiwebak miinwaa aanin bakaan) e'kinomowind agii danize zhiwe Anishinaabe Gabe-giizhik Gikino Amaadiiwiigwaaman.

3. Wegnesh owi maamwi yaang dikonigewin?

Zhiwe maamwi yaang dikonigewin, bezhig maage woshme minik bemaadzijig zhinkaazwog “**E'takonigejig**” ado dikonigewog naabshkowaawaad bemaadzijig naasaab e'yaamjig anaajimowin gagwedwewin. Kina gwanda bemaadzijig zhinkaajigaazwog “**Maamwi Yaaang**” maage “**Maamwi Yaang Waajii'ejig.**” Dibaaknige gamgoon giizhendaanaa'aan zengendaagwog kina gwaya agaa mdookdaagaazad, amii goweta gaawii gewe agaa gajibiiwidisjig owi dikonigewinan.

4. Wegnesh owi Anishinaabe Gabe-giizhik Gikinoo Amaadiiwiigwaaman maamwi yaang dikonigewin e'aawang?

Owi onashowe zhichigewin, *McLean v Gaanada* (Dibaaknige Gamig moshkinebiigan T-2169-16), agii bijigaade awii inaaajimo banaajitaasowinan owa Gaanada newen maanzhidoodamowinan agaa wiisgikaagowaad e'kinomaagaazijig zhiwe Anishinaabe Gabe-giizhik Gikino Amaadiiwiigwaaman. Court File No. T-2169-16), Anishinaabe Gabe-giizhik Gikino Amaadiiwiigwaaman agaa kinomaagaazijig agii dibaajimowog agii wiisgaapinindwaa, maazhidodaadiwindwaa, miinwaa agopjichigewin gewe e'kinomaagejig, naagaanzijig, waaji skoonwimaajig miinwaa aanin bekaanzijig. Aanin ninda zhiwebziwinan, goopajichigewin agii gitche wiisgikaagemgadon. Ninda agopjichigewinan agii aankesinon gewe e-kinomaagaazijig agii bapanajigaazwog, dibasinigaazwog maage agadendimichigaazwog zaam ado Anishinaabe aadiziwin miinwaa iniwewin. *McLean v Gaanada* ado gagwedwewen nsidwaamjigaadeg miinwaa gwayaak dodigewin newen maanzhidoodamowinan agaa doodawindwaa agaa zkonwijig zhiwe Anishinaabe Gabe-giizhik Gikino Amaadiiwiigwaaman miinwaa ado inodewiziwinwaan.

Owi onashowe zhichigewin agii waamjigaade aawang debwewin aawang maamwi yaang niigaan-iwidong owa Kitchi Kiing Dibaaknige Gamig owi dinendamowin Onaakniged Phelan Ode-imini-giizis 21, 2018.

Maanda Dalpnigewin agii maajiikigaade owa Garry McLean agaa nibood jibwaa zhichigaadeg Giizhiikigewin. Dibaaknige Gamig agii nagmaan Roger Augustine miinwaa Claudette Commanda awii aawiwaad e-giigidotamwaajig e-dakonigejig owi agaa Zhaabwijig Maamowi Yaang miinwaa Marielle Buckshot awii aawid e-giigidotamwaad Inodewiziwin Maamowi Yaang. Adaa debnigaazwog nikaazan Maamowi Yaang Giigidonini maampii endinakiid niisa-iing ezhibiigaadeg.

5. Aaniish enji temgag Giizhiikigaade Dibamaadiwin?

Gaanada agii mina waamdaan zaagaji dibaaknige gamgoong giizhiikinegewin dibamaadiwin gewi Maamwi Yaang Wijiiewin e-dagowendaagwog owi maajiishkaachigaadeg miinwaa bamibidechigaade newen Gikino Amaadiwiigwaaman. Agii gshkitchigaadeg Giizhiikigaade Dibamaadiwin, gewe waajii-ejig agii amii waashkogaade gechi shpangdeg miinwaa gwiiniwendamowin dibaakniding, miinwaa age naagaadendaagwog awii debnigaadeg ekwaa onaakinigen.

WEGNESH E-DAGOYAAD ZHIWE GIIZHIKIGAADDE DIBAMAADIWIN?

6. Wegnesh e-dagoyaad zhiwe Giizhiikigaade Dibamaadiwin?

Agaa zhaajig Anishinaabe Gabe-giizhik Gikino Amaadiwiigwaaman (“**Zhaabshkaajig Maamwi Yaang Waajii’ejig**”) miinwaa ado inodewiziwinwaa (“**Inodewiziwin Maamwi Yaang Waajii-ejig**”) dago biigaazwog zhiwe Giizhiikigaade Dibamaadiwin.

Awii miigsewin aawiyin **Zhaabshkaajig Maamwi Yaang Waajii’ejig** aabdeg gdaa agii zhaa ganigen agwa bezhig newen agaa waawinjigaadeg Gabe-giizhik Gikino Amaadiwiigwaaman owi apii agaa bamibidechigaadeg miinwaa/maagge agaa ganawenjigaadeg owa Gaanada miinwaa aabdeg gdaa agii wiisgikaaginaa-aa e’nisidwaamjigaadeg maanzhidoodaagewin gaanji zhiwebak agii zhaawaad odi. Newen agaa waawinjigaadeg Gabe-giizhik Gikino Amaadiwiigwaaman zhiwe zhibiigaadenon odi aankobiiganing zhiwe Giizhiikigaade Dibamaadiwin Bezhigwendamowin miinwaa temgad odi Maamwi Yaang waasamo-asabi mazina-igan odi **www.indiandayschools.com**. Ensa bezhig e-miigsed Zhaabshkaajig Maamwi Yaang Waajii’ejig ada dowendaagozi awii miigwed aasgaawitaage maziniginan ado gagwedwewin.

Inodewiziwin Maamwi Yaang Waajii-ejig gaawii ada debnaziin gwek dibagewin zhiwe Giizhiikigaade Dibamaadiwin. Meshkwad dash, \$200,000,000 (CDN) Ondiziwin Zhoonyaa agii maajiishkaachigaade age miigwemgag awii aasgaabwitamowaad makwenjigewin nankiiwin, mina-yaawin miinwaa mina zhayaang nankiiwin, miinwaa maajiish’kaachigewinan miinwaa ganawenjigaadeg iniwewin miinwaa

inaadiziwin.

Gewe Onaabshkowaajig E'tikonigejjig miinwaa ado giigido ninwon nendamog owi enaaknigaadeg Giizhiikigaade Dibamaadiwin aawan memaanji nishinig kina Maamwi Yaang Waajii-ejjig.

7. Aaniish giishpin gwekwendiziwaan endgwen aji digobiigaaziyaan zhiwe Giizhiikigaade Dibamaadiwin?

Giishpin gwekwendiziwan endagwe agii dagobiigaaziyaan owi Giizhiikigaade Dibamaadiwin, gdaa gnonaa Maamowi Yaange Giigidonini gdo gagwedwewinan, gnowaamdan www.IndianDaySchools.com maage gdaa giigid maanda wenpash gigido biiwaabkoon: 1(844) 539-3815.

GIIZHIKIGAADE DIBAMAADIWIN BAMITAGEWINAN

8. Wegnesh maagwemgag owi Giizhiikigaade Dibamaadiwin?

Giishpin owi Giizhiikigaade Dibamaadiwin minwaamdang owa Kitchi Gimaa Dibaaknige Gamig, ada miigwemgad gwek dibaamaadiwin gewe Zhaabshkaajig Maamwi Yaang Waajii'ejig agaa nkwehkmowaad maanzhidoodaagewin epiichi skoonwiwaad odi ezhibiigaadeg Anishinaabe Gabe-giizhik Gikino Amaadiwiigwaaman owi apii agaa waawinjigaadeg. (**E'miigsejjig Maamwi Yaang Waajii'ejig**) Newen agaa waawinjigaadeg Gabe-giizhik Gikino Amaadiwiigwaaman zhiwe zhibiigaadenon odi aankobiiganing zhiwe Giizhiikigaade Dibamaadiwin Bezhiwendamowin. E'miigsejjig Maamwi Yaang Waajii'ejig ada dowendaagoziwog awii gagwedwewaad owa Naagaanziitang Gagwedwewin awiii debnamwaad dibamaagewin

Owi Giizhiikigaade Dibamaadiwin Bezhiwendamowin age miigwemgad \$200,000,000 (CDN) awii aasgaabwitaamowaad makwenjigewin nankiwin, mina-yaawin miinwaa mina zhayaang nankiwin, miinwaa iniwewin miinwaa inaadiziwin maajiish'kaachigewinan. Maanda dibagewin ada giizhisin owi McLean Gabe-Giizhig Gikino Amaadiwiigwaaman Giizhiikigaade Dibamaadiwin maamawichigewin, aga swe-ookiwaad owi zhoonyaa e'yaawang gagwedwe moshkinebiigan zhoonyaa gewe megwaa waajii-nakiindijig miinwaa shki maachitaawinan.

Gaanada agii gwekwendam awii dibaged gewe E'miigsejjig Maamwi Yaang Waajii'ejig dibaamjigaadeg agaa piitaag maanzhidoodamowin agaa wiisgikaagwaad epiichi skonnwiwaad odi Gabe Giizhig Gikino Amaadiwiigwaam. Agaa piitaag dabigaade nikaazang Maanzhidoodaagewin Dabizhigan Mazinigan e'dagosing naanan (5) e'zhising dibagewin. Owi ezhising miinwaa waajii'emgak dibagewin maampii zhibiigaade:

Ezhising 1: \$10,000 (CDN)

Ezhising 2: \$50,000 (CDN)

Ezhising 3: \$100,000 (CDN)

Ezhising 4: \$150,000 (CDN)

Ezhising 5: \$200,000 (CDN)

Owi Giizhikigaade Dibaamaadiwinejig, e'miigsejig Maamowi Yaange waajii-ejig ada debnaanaa-aa bezhig dibagewin e-dagwendaagaog ow memaanji maanshidoodaagewin agaa basikamowaad epiichi zhaawaad Anishinaabe Gabe-giizhik Gikinoo Amaadiiwiigam, gaawi paamendaagsino minik gikino amaadiiwiigwaaman agaa zhaa'in.

9. Aaniish gezhi dibamaagaazwaad giigidoninwog?

Gaawii agwa gego newen Maamwi Yaang Giigidoninwog engindaasad ada abi njibedesino dibagewin maanigaazwaad Zhaabshkaajig Maamwi Yaang Waajii'ejig maage owi Ondiziwin Zhoonyaa. Gaanada agii nendam awii dibamowaad Maamwi Yaang Giigidoninwog \$55,000,000 (CDN) miinwaa aanke ogimaawi-diba`igewin newen onashowe engindeg miinwaa dibagewinan.

Maamwi Yaang Giigidoninwog engindeg miinwaa dibagewinan aabdeg awii minwaamjigaadenon Enji Dibaaknidin odi Giizhiikigaade Dibamaadiwin Bezhighwendamowin.

10. Aaniish apii age debnamaa ndo dibamaagowin?

Giishpin owi enaaknigaadeg Giizhiikigaade Dibamaadiwin Bezhiwendamowin minwaamjigaadeg gewe Gitchi Gimaa Dibaaknige Gamig, miinwaa kina aanji gagwedwewinan zhiwe abi n'jibaamigag minwaamjigaadeg nkwechigaadeg, Maamwi Yaang Waajii'ejig adaa maajtaawog miigwewaad Gagwedwewinan.

E'miigsejig Maamwi Yaang Waajii'ejig ada debnaanaa-aaa dibagewin ado Gagwedwewin shkwaa ndakenjigaadeg miinwaa minwaamjigaadeg owa Naagaanziitang Gagwedwewin. Giishpin owa Naagaanziitang Gagwedwewin dowendang woshme gikendamowin awii ndakendang gagwedwewin owi mnik enjitaamgag awii ndakenjigaadeg miinwaa awii minwaamjigaadeg gnimaa adaa giigsemgad enjitaamgag. Aanin ezhiwebak, ekwa Nisiwi awaa Ndakenjiged gnimaa adaa ndakendaan giizhendmowin owa Naagaanziitang Gagwedwewin owi engwakwaag dibagewin agaa minding owi gagwedwewin.

Wiindamaagewin ada zhichigaade wiiba jibwaa Gagwedwe Maziniginan giizhising.

11. Wegnesh e'bagidendamaa zhinda Giizhiikigaade Dibamaadiwin?

Giishpin Inaaknigewin miigwed Dibaaknige Gamig minwaamdang owi Giishikigaade Dibamaadiwin maanda zhichigewin, owi giizhaaknigewin ada dakobidemigad gewe kina maamowi yaang waajii-ejig gaawii e'zagijiibiwidiziwaad ninda onashowe nankiiwin.

Giishpin BWAA gajibiwidiziyin zhiwe Giizhiikigaade Dibamaadiwin, ezhi ozhibiigaadeg zhinda niisa-iing, miinwaa owi enaaknigaadeg Giizhiikigaade Dibamaadiwin Bezhiwendamowin ekwaasing, gaawii aga gshkitosiin awii giikinaman dikonigewin giin owi Gaanada ado bamibdechigewin miinwaa naagdowenjigewin newen Naagaanziitang Gagwedwewin. Gwii "bagidnaag" Gaanada kina mazinigewin odi Kichi Gimaa Anishinaabe Gabe Giizhig Gikino Amaadiiwiigwaam, dash wiigwa agaa denaan dibagewin nsidwaamjigaadeg maanzhidoodawin agaa nkweshkman.

Gaawii zhinda inaaknigaadeg Giizhiikigaade Dibamaadiwin gdo dowendaagozisii awii bagidendaman gdo dibiniweziwin awii dikonad Kiins maage aname gamigon agii dagokaaziwaad owi bamibdechigaadeg miinwaa naagdowenjigaadeg Gabe Giizhig Gikino Amaadiiwiigwaam.

Owi inaaknigaadeg Giizhiikigaade Dibamaadiwin Bezhiwendamowin miigwemgad gagwek masinbiigan owi Bagidnigewin. Weweni gindan owi Giizhiikigaade Dibamaadiwin Bezhiwendamowin miinwaa gdaa ginonaa Maamwi Yaang Giigidonini giishpin gego gagwedwewinan yaaman.

12.Ndaa gajibiwidis ana owi Giizhiikigaade Dibamaadiwin?

Owi inaanigewin odi Dibaaknige Gamgoong, minwaamjigaadeg maage gaawii, ada dikobnigaazwog kina Maamowi Yaang Waajii-ejig gaawii e'zaagjibiwidisijig owi onashowe nankiiwin (*Kichi Kiing Dibaaknige Gamig Naaknigewinan*, Naaknigewin 334-32(5)(f))

Giishpin aawiyin E'miigsed Maamwi Yaang Waajii'ed gdaa gajibiwidis zhiwe Giizhiikigaade Dibamaadiwin nikaazyin Zaagiji Biiwidisiyin Moshkinebiigan makigaadeg odi Aankebiigan H owi Giizhiikigaade Dibamaadiwin Bezhiwendamowin jibwaa ekwa-iwang Zaagiji Biiwidisiyin ishkwaateg. Owi Zaagiji Biiwidisiyin Ishkwaateg aawan ngodwaasiwi (60) giizhigad shkwaa Kichi Kiing Dibaaknige Gamig minwaamdang owi Giizhiikigaade Dibamaadiwin Bezhiwendamowin, giishpin nendang Dibaaknige Gamig awii zhichiged.

Woshme gikendamowin owi Zaagiji Biiwidisiyin ishkwaateg adaa wiindamaagem odi www.IndianDaySchools.com.

DEBNIGAADEG DIBAGEWIN

13.Aaniish Agezhi debnamaa dibagewin?

Giishpin enakinigaadeg Giizhiikigaade Dibamaadiwin Bezhiwendamowin minwaamjigaadeg owi Kichi Kiing Dibaaknige Gamig, kina Mamwi Yaang Waajii'ejig ada dowendaagoziwog awii miigwewaad Gagwedwewin odi Naagaanziitang Gagwedwewin. Owa Naagaanziitang Gagwedwewin ada ndakendaan gdo gagwedwewin miinwaa ada zhitoon bezhig newen nisiwi giizhendamowinan: (1) minwaamdang gagwedwewin; (1) aanwaamdang gagwedwewin; maage (3) gagwedwed aanke mazinignan.

Giishpin gdo gagwedwewin minwaamjigaadeg, aga debnaan dibagewin naagzowaamjigaadeg Maanzhidoodaagewin Dabizhigan Mazinigan etemgag odi Aankosijigan B owi Giizhiikigaade Dibamaadiwin Bezhiwendamowin. Owi dibagewin gagwek giin aga miingo, gdo dibaaknige gamig onaabshkaaged, maage, giishpin nibowin, gdo dibiniweziwn bemiikang

Gagwedwe mazinignan ada tenoon odi www.IndianDaySchools.com maage gnonad Naagaanziitang Gagwedwewin shkwaa owi enaanigaadeg Giizhiikigaade Dibamaadiwin Bezhiwendamowin minwaamjigaadeg gewe Kichi Kiing Dibaaknige Gamig.

14. Aaniish giishpin ndo gagwedwewin aanwaamjigaadeg?

Owa Naagaanziitang Gagwedwewin aga wiindamaag giishpin gdo gagwedwewin aanwaamjigaadeg.

Gdo gagwedwewin ada aanwaamjigaade giishpin (a) gaawii aawisiwan E'Miigsed Maamwi Yaang Waajii'ed maage (b) zhaazhigwa agii dibamaago, bkaan enji dibaaknidin, agii skoonwii-in odi Gabe-giizhik Gikino Amaadiiwiigwaaman.

15. Aaniish giishpin aanwaamdamaa owi minik dibagewin agaa miigweng?

Giishpin aawiyin E'miigsed Maamwi Yaang Waajii'ed miinwaa gaawii zhaazhigwa agii debnaziwan dibagewin agii skoonwiwin Kichi Gimaa Gabe Giizhig Gikino Amaadiiwiigwaam, owa Naagaanziitang Gagwedwewin ada dibaamdan gdo Gagwedwewin miinwaa ada minwaamdaan ezhising dibagewin naagzowaamjigaadeg owi Maanzhidoodaagewin Dabizhigan Mazinigan.

Giispin owa Naagaanziitang Gagwedwewin minwaamdang gdo Gagwedwewin woshme dibashish dibagewin e'debwewendamaan nikaasan owi Maanzhidoodaagewin Dabizhigan Mazinigan, gdaa yaan owii wenaamdaman awii miigwewin woshme gikenjigewin miinwaa awii aanji ndakenjigaadeg gdo gagwedwewin waamjigaadeg owi woshme gikenjigewin. Aga wiindamaag owa Naagaanziitang Gagwedwewin ndakenjigewin ado aanji ndakenjigewin.

Giishpin owa Naagaanziitang Gagwedwewin zoongitod ado shki ntam ndakenjigewin, gdaa wenaamdaan giishpin dowendaman gdo gagwedwewin awii ndakenjigaadeg ekwa Nisiwi E'ndakenjiged. Adoo giizhendamowin owa Nisiwe E'ndakenjiged ekwaa-wiiwan

GIIGIDONINWOG E'GIIGIDOTAMAANGED

16. Wegnesh gewe giigidoninwog onaabshkowaad e'tikonigejig.

Gowling WLG agii waawinjigaazwog aawiwaad Maamwi Yaang Giigidonini owa Enaakiniged Phelan odi Gichi Kiing Dibaaknige Gamig Ode-imini-giizis 21, 2018. Gdaa ganoonaa Maamwi Yaang Giigidonini odi:

Gowling WLG (Gaanada)
LLP 160 Elgin Street
Suite 2600
Ottawa Ontario K1P 1C3

Robert Winogron, Partner
+1 613 786 0176
robert.winogron@gowlingwlg.com

Mary M. Thomson, Partner
+1 416 862 4644
mary.thomson@gowlingwlg.com

Jeremy Bouchard, Partner
+1 613 786 0246
jeremy.bouchard@gowlingwlg.com

Vanessa Lessard, Law Clerk
vanessa.lessard@gowlingwlg.com.

Owi Maamowi Yaang Giigidoninwog

Niigaaniyaajig Maamwi Yaang Giigidoninwog aawiwog Robert Winogron, Jeremy Bouchard miinwaa Mary M. Thomson owi zhiwe onashow nakii-gamig, Gowling WLG (Canada) LLP. Mr. Winogron miinwaa Mr. Bouchard woshme nisimdanan biboon maamwi onashowi nankiiwin zhiwe Anishinaabe Onashowe nagajitowin miinwaa dibaakonidiwin. Ms. Thomson aawi maamwi yaang dikonigewin negijitod miinwaa nisimdana nankiiwin. Gowling WLG aawiwog gichi kiing onashowe nakii gamig aabijig nisidwaamjigaazwog giigidotamowaa-aad Anishinaabe Inakaanezi miinwaa Anishinaabe Wijinakiindiwinan maampii Ganaada.

Gaawii gego nangdesno awii gnonad Maamwi Yaang Giigidonini.

OWI MINWAAMJIGE BAZINDAAJIGEWIN

17. Aaniish agezhi aanwaamdamaa owi enaaknigaadeg Giizhiikigaade Dibamaadiwin?

Gdaa aasgaabwitaan owi enaaknigaadeg Giizhiikigaade Dibamaadiwin niindaawewin Aasgaabwitaage Diindamaagewin maage mazinaatesojigewin mazinigan owi Maamwi Yaang Giigidonini age dagosin nindaa ezhibiigaadegin:

- Gdi nooziiwin, endaawin, miinwaa giigido-biiwaabkoons gindaasowin;
- Newen enji aasgaabiwaadaman enaaknigaadeg Giizhiikigaade Dibamaadiwin;
- Owi Gabe-giizhik Gikino Amaadiiwiigwaaman agaa nji skonwiwin, miinwaa
- Gdo daangnibiigan.

Aabdeg gdaa niindaawen maage masinaatesjige mooshkinebii-ige gdo aasgaabwitaagewin mazinaakwaagaadeg jibwaa **Zaagibagaa-giizis 26, 2019** odi:

Indian Day School Class Action – Support

Gowling WLG (Gaanada)
LLP 160 Elgin Street
Suite 2600
Ottawa Ontario K1P 1C3

Attention: Vanessa.Lessard@gowlingwlg.com

Maamowi Yaang Waajii-ejig adaa giigidowog odi Minwaamjige Giigidowin. Giishpin aawiyin Maamowi Yaange Waajii'ed gdaa gagweejima Dibaaknige Gamig awii bagidnigowin awii giigidawin odi Minwaamjige Giigidowin. Awii zhichigewin maanda, zhibii-an zhiwe gdo Dibaajimowin Aasgaabiwitaman dowendaman awii gigidowin odi Minwaamjige Giigidowin.

18. AANIISH AGIISHPIN AANWAAMDAMAA OWI GIIZHIKIGAADA DIBAMAADIWIN

Gdaa aanwaamdaan owi enaaknigaadeg Giizhiikigaade Dibamaadiwin giishpin aanwendaman aanin maage agwa kina ezhibiigadegin nendowendaagwog. Dibaaknige Gamig adaa dibaamdaanan gdo inendamowinan. Awii aanwendaman, aabdeg gwii niindaawen Aanwenjige Moshkinebiigan odi Maamowi Yaang Giigidonini e'dagosing ninda ezhibiigaadegin.

- Gdi nooziwinn, endaawin, miinwaa giigido-biiwaabkoons gindaasowin;
- Zhibiigan kidiyin aanwaamdaman owi enaaknigaadeg Giizhiikigaade Dibamaadiwin;
- Newen enji aanwendaman enaaknigaadeg Giizhiikigaade Dibamaadiwin, miinwaa aasgaabwitaage mazinignan;
- Owi Gabe-giizhik Gikino Amaadiwiigwaaman agaa nji skonwiwin, miinwaa
- Gdo daangnibiigan

Aabdeg gdaa niindaawen maage masinaatesjige mooshkinebii-ige gdo Aanwenjige Moshkinebiigan mazinaakwaagaadeg jibwaa **Zaagibagaa-giizis 3, 2019** odi:

Indian Day School Class Action – Objection

Gowling WLG (Gaanada)
LLP 160 Elgin Street
Suite 2600
Ottawa Ontario K1P 1C3

Attention: Vanessa.Lessard@gowlingwlg.com

Aanwenjigaadeg owi_Giizhiikigaade Dibamaadiwin_Bezhigwendamowin_gaawii naasaab aawizinon owi Zaagiji Biiwidisiyin.

Giispin aanwendaman owi Giizhiikigaade Dibamaadiwin_Bezhigwendamowin gdaa zhichige niindaawewin Dibaajimowin Aanwendaman miinwaa giishpin dowendaman, gdaa zhaa odi Minwaamjigaadeg Giizhiikigaade Dibamaadiwin Giigidowin.

Aanowi agwa Maamowi Yaang Waajii-ejig adaa aanwendaanaa-aa owi enaaknigaadeg Giizhiikigaade Dibamaadiwin, owi Ekwa Giizhendamowin owi Minwaamjigewin owi Giizhiikigaadeg Dibamaadiwin njike owa Dibaaknigenini ada zhitoon.

Maamowi Yaang Waajii-ejig adaa giigidowog odi Minwaamjige Giigidowin. Giishpin aawiyin Maamowi Yaang Waajii'ed, gdaa gagwejiima Dibaaknige Gamig awii bagidnigowin awii giigidawin odi Minwaamjige Giigidowin. Awii zhichigewin maanda, zhibii-an zhiwe gdo Aanwenjigewin Moshkinebiigan dowendaman awii gigidanwin odi Minwaamjige Giigidowin.

19. Aaniishpii miinwaa aapiish owa Dibaaknige Gamig aji giizhakniged endagwen aji minwaamdang enaaknigaadeg Giizhiikigaade Dibamaadiwin?

Maajiiishkaachigewin minwaamjigaadeg owi Giizhiikigaade Dibamaadiwin agii zhisajigaade awii noonjigaadeg **Zagibagaa-giizis 13, 14 miinwaa 15, 2019** odi Kichi Kiing Dibaaknige Gamig odi, **363 Broadway, Winnipeg, MB R3C 3N9.**

Giishpin gashkitoswan awii zhaawin enjig giigidang, dash dowendaman awii giigidowin odi Dibaaknige Gamig, Mazinaatesjigewin adaa zhisajigaade nagoji bkaan Gichi Kiing Dibaaknige Gamgoons maampii Genaada. Giishin dowendaman awii giigidowin nakaazyin mazinaatesjigan, aabdeg gwii gnoonaa Maamwi Yaang Giigidonini odi ezhi debining gikendamowin maampii shpiming ezhibiigaadeg jibwaa Zaagibagaa-giizis 3, 2019. Odi temgag newen Gichi Kiing Dibaaknige Gamgon temgagk mazinaatesjigwan ada gwakogaade odi www.indiandayschool.com jibwaa Zaagibagaa-giizis 6, 2019. Giispin gshkitoswan giin awii yaawin maage enji mazinaatesjigeng dash wiigwa downdaman enendaman awii noonjigaadeg, gdaa zhibii-aanan maampii shpiming ezhi waamdoweng.

20. Aabdeg ana anii zhaa enjig bazindaajigen?

GAAWII memkaach gdaa zhaasii odi Minwaamjige Bazindaajigewining. Maamwi Yaang Giigidonini adaa nakwetaanan gagwedwewinan owa Dibaaknige Gamig age yaang aba owi enaakingaadeg Giizhiikigaade Dibamaadiwin Bezahigwendamowin. Giishpin agii niindaawewin Aanwenjigewin Moshkinebiigan maage Dibaajimowin Aasgaabitaman odi Maamwi Yaang Giigidonini, gaawii memkaach gda zhaasii enji bazindaajigen. Maamwi Yaang Giigidonini biindagadonn gdo mazinigan enji Dibaaknigen jibwaa temgag Giizhiikigaade Dibamaadiwin Bezahigwendamowin bazindaajigewin.

21. Ndaa giigid ana enji bazindaajigeng?

Maamwi Yaang Waajii-ejig adaa giigidowog odi Bezhigwendamowin Bazindaajigewin. Giishpin aawiyin Maamwi Yaang Waajii-ejig, gdaa gagwejimaa Dibaaknige Gamig awii bagidnigowin awii giigidawin odi Bezhigwendamowin Bazindaajigewin. Awii zhichigewin owi, aabdeg aga dibaajim zhiwe gdo Aanwenjige Moshkinebiigan maage Dibaajimowin Aasgaawitaman kidiyin dowendaman awii giigidawin odi Bezhigwendamowin Bazindaajigewin.

22. Aaniish giishpin gego zhichigezyaan?

Giishpin wenaamdaman gego awii zhichigesiyin, Dibaaknige Gami ada dibaamdaan e'nishin owi Giizhiikigaade Dibamaadiwin Bezhigwendamowin bwaa kidyin enendaman.

WOSHME GIKENJIGEWIN

23. Aaniish agezhi debnamaa woshme gikenjigewin?

Maanda mazinaakzigan mazoweibiigaade owi enaaknigaadeg Giizhiikigaade Dibamaadiwin Bezhigwendamowin. Woshme zhibiiganan tenoon zhiwe Giizhiikigaade Dibamaadiwin Bezhigwendamowin.

Gdaa debnaan mazinaagozigan owi enaaknigaadeg Giizhiikigaade Dibamaadiwin Bezhigwendamowin odi www.IndianDaySchools.com . Gdaa niindaawenan gdo gagwedwewinan odi **Gabe Giizhig Gikino Amaadiwiigwaam Maamwi Yaang Dikonigewin**, c/o Naagaanziitang Gagwedwewin.

